

MALAYSIA
DEWAN RAKYAT
ATURAN URUSAN MESYUARAT

NASKHAH SAHIH/BAHASA MALAYSIA

<http://www.parlimen.gov.my>

HARI RABU, 12 NOVEMBER 2008, PUKUL 10.00 PAGI

Bil. 60

PERTANYAAN-PERTANYAAN BAGI JAWAB LISAN

1. PR-1213-L15200
Dato' Dr. James Dawos Mamit [Mambong] minta **MENTERI SUMBER ASLI DAN ALAM SEKITAR** menyatakan jumlah buangan berjadual (toxic wastes) yang dihasilkan oleh industri di negara kita pada tahun-tahun 2006, 2007 dan 2008. Dari jumlah tersebut nyatakan jumlah yang dihantarkan ke tapak pelupusan kualiti alam.
2. PR-1213-L15135
Tuan Chow Kon Yeow [Tanjong] minta **MENTERI DALAM NEGERI** menyatakan apakah langkah-langkah memperkasakan pihak polis untuk mencegah jenayah dan menjamin keselamatan di bandar.
3. PR-1213-L14693
Dato' Ismail bin Kasim [Arau] minta **MENTERI LUAR NEGERI** menyatakan sejauh manakah peranan yang dimainkan oleh Malaysia sebagai rakan negara ASEAN dalam menangani pergolakan di Selatan Thai yang melibatkan konflik agama yang telah berlaku sejak sekian lama dapat diselesaikan menerusi saluran diplomatik hasil daripada hubungan baik kedua-dua buah negara.
4. PR-1213-L16207
Dato' Kamarudin Bin Jaffar [Tumpat] minta **MENTERI PENGANGKUTAN** menyatakan bilakah Kereta api Tanah Melayu Berhad (KTMB) akan diserahkan kepada Petronas atau Khazanah Nasional untuk memastikan pengurusan yang berkesan.
5. PR-1213-L15455
Dato' Seri Haji Azmi bin Khalid [Padang Besar] minta **MENTERI PERTANIAN DAN INDUSTRI ASAS TANI** menyatakan sebab-sebab kenapa rakyat dan pekedai-pekedai di kampung-kampung dan kawasan-kawasan luar bandar mengalami kesukaran untuk mendapat bekalan beras 15%. Sebaliknya rata-rata bekalan beras 10% dan 5% mudah di peroleh.

6. PR-1213-L15912
Tuan Haji Ab Aziz bin Ab Kadir [Ketereh] minta **PERDANA MENTERI** menyatakan langkah-langkah yang telah diambil untuk menjaga keselamatan nelayan yang beroperasi di kawasan perairan berhampiran sempadan Malaysia-Thailand.
7. PR-1213-L15924
Puan Norah binti Abd Rahman [Tanjong Manis] minta **MENTERI PERDAGANGAN DALAM NEGERI DAN HAL EHWAL PENGGUNA** menyatakan :-
 - (a) sama ada Kerajaan bercadang untuk menurunkan umur kelayakan bagi memegang jawatan sebagai pengarah di syarikat swasta daripada 21 ke 18 tahun; dan
 - (b) jika tidak, apakah sebab-sebabnya.
8. PR-1213-L14669
Dr. Che Rosli bin Che Mat [Hulu Langat] minta **MENTERI PENGAJIAN TINGGI** menyatakan piawaian yang digunakan oleh Kerajaan bagi menilai tahap kepimpinan seseorang mahasiswa dan graduan yang dihasilkan oleh universiti. Apakah faktor keseimbangan Emotion Quotient (EQ) dan Spiritual Quotient (SQ) turut diambil kira di dalam menentukan kecemerlangan seseorang mahasiswa.
9. PR-1213-L15038
Tuan Aaron Ago Anak Dagang [Kanowit] minta **MENTERI PENGANGKUTAN** menyatakan sama ada Kerajaan bercadang supaya Puspakom menggunakan (adopt) bengkel dari syarikat-syarikat besar seperti Toyota, Honda, Proton, dan lain-lain yang boleh dibekalkan dengan alat-alat pemeriksaan yang diperlukan, bagi memperbanyakkan lagi pusat pemeriksaan Puspakom dan meringankan tugas pemeriksaan kenderaan di pusat-pusat Puspakom di seluruh negara.
10. PR-1213-L14840
Dato' Dr. Zainal Abidin bin Ahmad [Hulu Selangor] minta **MENTERI KEMAJUAN LUAR BANDAR DAN WILAYAH** menyatakan apakah rasionalnya menubuhkan Jawatankuasa Kerja Keselamatan Persekutuan (JKKP) di bawah Kementerian kerana sudah ada Jawatankuasa Kerja Keselamatan Kampung (JKKK) yang telah berperanan dalam melaksanakan aktiviti pengawasan kampung.
11. PR-1213-L14847
Dr. Mohd Puad bin Zarkashi [Batu Pahat] minta **MENTERI DALAM NEGERI** menyatakan statistik kes penjualan bayi mengikut kaum di Malaysia untuk tempoh enam bulan pertama tahun 2008. Nyatakan langkah Kerajaan untuk membanterasnya.

12. PR-1213-L15339
Puan Hajah Zuraida binti Kamaruddin [Ampang] minta **MENTERI SUMBER MANUSIA** menyatakan apakah undang-undang yang melindungi pekerja yang bekerja dari rumah terutamanya golongan wanita. Jika tiada, apakah langkah-langkah Kerajaan untuk menggubal undang-undang bagi melindungi golongan ini.
13. PR-1213-L16429
Tuan Ismail Bin Haji Mohamed Said [Kuala Krau] minta **MENTERI PERTANIAN DAN INDUSTRI ASAS TANI** menyatakan setakat manakah projek-projek berimpak tinggi seperti Ladang Kontrak, Pusat Fidlot Negara dan Taman Kekal Pengeluaran Makanan telah berjaya meningkatkan jumlah pendapatan petani-petani dalam projek-projek ini mengikut negeri.
14. PR-1213-L15256
Tuan Abdullah Sani bin Abdul Hamid [Kuala Langat] minta **MENTERI KESIHATAN** menyatakan apakah tindakan Kerajaan bagi memastikan hospital serta pakar-pakarnya adalah berkualiti demi menjamin perkhidmatan yang terbaik.
15. PR-1213-L15358
Dato' Mukhriz bin Tun Dr. Mahathir [Jerlun] minta **MENTERI BELIA DAN SUKAN** menyatakan persediaan olahragawan negara untuk Asian Youth Games pada tahun 2009 dan Youth Olympic Games pada tahun 2010 dan adakah Malaysia bercadang untuk menganjurkan acara sukan bertaraf antarabangsa pada tahun 2009 atau 2010.
16. PR-1213-L16480
Tuan Amran bin Ab Ghani [Tanah Merah] minta **MENTERI PERTANIAN DAN INDUSTRI ASAS TANI** menyatakan oleh kerana negara kita sedang mengalami masalah kekurangan makanan, adakah pihak Kementerian akan bekerjasama dengan Kementerian Pelajaran mewujudkan kembali mata pelajaran aliran pertanian di peringkat Sekolah Menengah.
17. PR-1213-L15725
Datuk Tiong Thai King [Lanang] minta **MENTERI DALAM NEGERI** menyatakan :-
 - (a) bilangan kes jenayah yang berlaku di negeri Sarawak daripada tahun 2007 sehingga bulan Jun 2008; dan
 - (b) bilangan kes pencerobohan, kecurian, rompakan dan ragutan yang melibatkan pendatang asing dalam tempoh yang sama.

18. PR-1213-L16082
Datuk Seri Panglima Joseph Pairin Kitingan [Keningau] minta **MENTERI PERTANIAN DAN INDUSTRI ASAS TANI** menyatakan bilakah subsidi pembelian separuh harga ke atas mesin bernilai kurang RM10,000 dipanjangkan kepada petani di negeri Sabah.
19. PR-1213-L15287
Tuan Ding Kuong Hiing [Sarikei] minta **MENTERI KERJA RAYA** menyatakan adakah Kementerian bercadang mempercepatkan penambahbaikan jalan raya dari sempadan Sarikei-Betong ke Simpang Jalan Bulat sepanjang 17.5 kilometer juga merupakan sebahagian Lebuhraya Borneo, kawasan liputan Koridor Pembangunan Tenaga Sarawak (SCORE) dan jalan destinasi ke kawasan rekreasi Semangkoi oleh penduduk sekitarnya telah diberi peruntukan sebanyak RM81.8 juta di bawah RMK-9. Jika ya, bila. Jika tidak, kenapa.
20. PR-1213-L15981
Datuk Billy Abit Joo [Hulu Rajang] minta **MENTERI PERUMAHAN DAN KERAJAAN TEMPATAN** menyatakan jumlah rumah panjang yang terbakar tahun ini di Sarawak. Apakah punca kebakaran tersebut dan jumlah kerugian ditanggung. Apakah langkah yang sedang diambil oleh Kerajaan untuk memperbaiki keadaan dan menghalangnya berlaku lagi.
21. PR-1213-L16046
Dr. Hiew King Cheu [Kota Kinabalu] minta **PERDANA MENTERI** menyatakan alasan kenaikan 25% ke atas pencen guru-guru yang telah bersara tidak dibayar kepada semua guru yang telah bersara di Sabah.
22. PR-1213-L16263
Dato' Haji Abd Rahman bin Dahlan [Kota Belud] minta **PERDANA MENTERI** menyatakan sejak Dasar Ekonomi Baru (DEB) dilaksanakan pada tahun 1970, berapa peratuskah pencapaian Bumiputera di Sabah dari segi pegangan ekuiti mengikut etnik di negeri Sabah.
23. PR-1213-L15871
Tuan Charles Anthony A/L R.Santiago [Klang] minta **MENTERI PERDAGANGAN ANTARABANGSA DAN INDUSTRI** menyatakan dasar Kerajaan mengenai Non-Agricultural Market Access (NAMA) dan apakah implikasi terhadap industri-industri termasuk industri kecil dan sederhana.
24. PR-1213-L15585
Tuan Lim Lip Eng [Segambut] minta **PERDANA MENTERI** menyatakan butir-butir jumlah peruntukan pembangunan Parlimen di Kuala Lumpur yang telah dibelanjakan mulai Januari 2008 sehingga 8hb Mac 2008 mengikut kawasan Parlimen, siapakah pemohon, nama penerima, jenis kegunaannya dan bukti hasil keberkesanan, jika tiada bukti, apakah tindakan selanjutnya.

25. PR-1213-L16348
Tuan Sivarasa A/L K.Rasiah [Subang] minta **MENTERI PERUMAHAN DAN KERAJAAN TEMPATAN** menyatakan berapa negeri telah melantik Pesuruhjaya Bangunan (COB) menurut seksyen 3(1) Akta Bangunan dan Harta Bersama (Pengendalian dan Pengurusan) 2007 dan sekiranya ada negeri yang belum melantik Pesuruhjaya Bangunan, apakah yang akan dibuat oleh Kementerian memandangkan akta tersebut telah dikuatkuasakan.
26. PR-1213-L15428
Tuan Chua Tian Chang [Batu] minta **MENTERI DALAM NEGERI** menyatakan :-
- (a) adakah Parti Komunis Malaya (Malayan Communist Party) (MCP) dan Chin Peng mengancam keselamatan negara; dan
 - (b) mengapakah Kerajaan menolak permohonan beliau untuk balik ke Malaysia.
27. PR-1213-L14702
Tuan Muhammad bin Husain [Pasir Puteh] minta **MENTERI PERUMAHAN DAN KERAJAAN TEMPATAN** menyatakan sejauh mana kenaikan kos dalam industri pembinaan akibat kenaikan mendadak harga bahan bakar berasaskan petroleum akan memberi kesan kepada proses penyediaan rumah kediaman kepada penduduk negara ini.
28. PR-1213-L16252
Tuan Mohamed Azmin bin Ali [Gombak] minta **PERDANA MENTERI** menyatakan peratus tanah-tanah terbiar milik individu yang dimiliki oleh kaum Bumiputera. Apakah langkah-langkah yang diambil oleh Amanah Raya Berhad sebagai pemegang amanah untuk membantu pewaris-pewaris tanah ini untuk menyelesaikan kemelut hak milik tanah pusaka dan seterusnya membantu membangunkan tanah-tanah terbiar ini.
29. PR-1213-L15313
Tuan Mahfuz bin Omar [Pokok Sena] minta **MENTERI PENERANGAN** menyatakan senarai syarikat yang memperoleh tender membekalkan rancangan-rancangan untuk RTM serta tempohnya.
30. PR-1213-L15785
Tuan Wee Choo Keong [Wangsa Maju] minta **PERDANA MENTERI** menyatakan kenapa Kerajaan enggan untuk menubuhkan Judicial Appointment Commission dan melaksanakan lain-lain reform terhadap badan Kehakiman yang telah dijanjikan oleh YAB Perdana Menteri sendiri di Jamuan Makan Malam Majlis Peguam di Hotel JW Marriot pada bulan April 2008.

31. PR-1213-L16241
Dato' Ngeh Koo Ham [Beruas] minta **MENTERI SUMBER ASLI DAN ALAM SEKITAR** menyatakan sama ada bersetuju memperuntukkan RM90 juta kepada Jabatan Pengaliran dan Saliran Negeri Perak untuk mengatasi masalah banjir yang sering berlaku di kawasan Taiping, Matang, Simpang dan Changkat Jering yang melibatkan Sg. Tupai, Sg. Batu Tugoh, Sg. Larut, Sg. Bukit Gantang dan Sg. Senduk. Jumlah RM90 juta tersebut adalah anggaran JPS Perak.
32. PR-1213-L15893
Puan Tan Ah Eng [Gelang Patah] minta **PERDANA MENTERI** menyatakan :-
- (a) adakah Institut Integriti merancang memainkan peranan yang lebih penting bagi sektor Awam dan sektor Swasta; dan
 - (b) langkah-langkah untuk meningkatkan kesedaran Integriti di kalangan Profesional.

ATURAN URUSAN MESYUARAT DAN USUL-USUL

1. **Menyambung semula pertimbangan ke atas Rang Undang-undang Perbekalan 2009 (D.R.16/2008) dan Usul Anggaran Perbelanjaan Pembangunan 2009 seperti berikut:-**

“ Bahawa Dewan ini, mengikut seksyen 4(3) Akta Kumpulan Wang Pembangunan 1966, membuat ketetapan iaitu satu jumlah wang sebanyak tidak lebih daripada lima puluh tiga bilion tujuh ratus dua puluh sembilan juta satu ratus empat puluh lima ribu ringgit (RM53,729,145,000) dibelanjakan daripada Kumpulan Wang Pembangunan bagi tahun 2009, dan bagi tujuan-tujuan dan butiran-butiran perbelanjaan pembangunan yang dinyatakan di bawah Maksud Pembangunan atau (“P”) dalam senarai Bajet Persekutuan 2009, yang dibentangkan sebagai Kertas Perintah 41 Tahun 2008, adalah diuntukkan di bawah Maksud-maksud yang berkenaan jumlah-jumlah yang bersementaraan dengan butiran-butiran itu di ruangan lapan dan sembilan senarai tersebut. “

Dalam Jawatankuasa Sebuah-buah Majlis (11 November 2008)

- | | | | |
|----|----------------|--|-----------------------------------|
| 2. | (D.R. 13/2008) | Rang Undang-undang Indentifikasi Asid Deoksiribonukleik (DNA) 2008 – Pertimbangan dalam Jawatankuasa Sebuah-buah Majlis. (28 Ogos 2008) | |
| | | | (Menteri Dalam Negeri) |
| 3. | (D.R. 12/2008) | Rang Undang-undang Universiti dan Kolej Universiti (Pindaan) 2008 | Bacaan Kali Yang Kedua |
| | | | (Menteri Pengajian Tinggi) |
| 4. | (D.R. 14/2008) | Rang Undang-undang Institusi Pendidikan Tinggi Swasta (Pindaan) 2008. | “ |
| | | | (Menteri Pengajian Tinggi) |
| 5. | (D.R. 15/2008) | Rang Undang-undang Latihan Khidmat Negara (Pindaan) 2008. | “ |
| | | | (Menteri Pertahanan) |
| 6. | (D.R. 19/2008) | Rang Undang-undang Lembaga Hasil Dalam Negeri Malaysia (Pindaan) 2008. | “ |
| | | | (Menteri Kewangan) |

7. (D.R. 17/2008) Rang Undang-undang Kewangan 2008 “
(Menteri Kewangan)
8. (D.R. 18/2008) Rang Undang-undang Orang-Orang Papa (Pindaan) 2008 “
(Menteri Pembangunan Wanita, Keluarga dan Masyarakat)

9. **Menteri Kewangan** akan mencadangkan :

“ Bahawa Dewan ini, mengikut peruntukan di bawah Seksyen 5 Akta Persatuan Pembangunan Antarabangsa 1960, mengambil ketetapan bersetuju supaya Malaysia membuat sumbangan kepada Program Penambahan Semula Dana Persatuan Pembangunan Antarabangsa ke Lima Belas sebanyak RM7,327,324. “

10. PR-1213-U14748

Datuk Dr. Marcus Mojigoh [Putatan] akan mencadangkan:-

"Bahawa Dewan ini mengambil maklum bahawa, sejak akhir-akhir ini, seluruh dunia dan tidak ketinggalan negara Malaysia, menghadapi masalah pencemaran alam sekitar yang amat serius. Dan mengambil maklum bahawa selain menyebabkan pencemaran alam sekitar, plastik telah menyumbang kepada kejadian banjir, takungan air yang menjadi tempat pembiakan nyamuk dan lain-lain lagi masalah yang boleh memudaratkan kesihatan dan keselamatan manusia sejagat. Dan mengambil maklum bahawa, dengan kemajuan teknologi yang terdapat pada ketika ini, terdapat banyak jenis plastik mesra alam atau bio-plastics yang boleh kita gunakan dengan selamat berbanding dengan plastik hasil petroleum. Dan mengambil maklum bahawa kita diberkati dengan bahan-bahan semula jadi bagi menghasilkan plastik mesra alam seperti polylactide acid (PLA) plastic, poly-3-Hydroxybutyrate (PHB) Polyamide 11 (PA 11) dan Bio-Derived Polyethylene. Maka dengan ini, dewan hendaklah mengambil ketetapan untuk meminta Kerajaan untuk meminda satu akta yang mengharamkan penggunaan plastik hasil keluaran petroleum , dan menggantikan penggunaan plastik tersebut dengan plastik mesra alam."

(Menteri Perumahan dan Kerajaan Tempatan)

11. PR-1213-U14754

Datuk Dr. Marcus Mojigoh [Putatan] akan mencadangkan:-

"Bahawa Dewan ini mengambil maklum bahawa fenomena global warming menjadi sangat serius dan Malaysia tidak terkecuali daripada fenomena ini. Dan mengambil maklum bahawa, fenomena ini telah menjadi keraguan bagi seluruh dunia. Dan mengambil maklum bahawa mengikut kajian yang dijalankan di Amerika Syarikat pada tahun 2002, pelepasan Carbon Dioxide hasil daripada penjanaan kuasa elektrik menyumbang 40% daripada pelepasan Carbon Dioxide yang secara terus menyebabkan kerosakan ozon yang secara langsung pula menyebabkan kepanasan dunia. Dan mengambil maklum juga bahawa hari ini, pembakaran Fossil Fuel dan arang batu sebagai bahan bakar bagi penjanaan kuasa elektrik terbukti memudaratkan kehidupan manusia. Dan mengambil maklum bahawa terdapat banyak teknologi baru bagi menghasilkan tenaga elektrik seperti Pelamis Wave Energy Converter-Ocean Sources , Biomass Fuel, Geothermal Energy, Hydroelectric, Solar Energy, Wind Energy dan Fuel Cell. Maka dengan ini dewan hendaklah mengambil ketetapan untuk meminta Kerajaan untuk menggalakkan penggunaan sumber tenaga alternatif seperti yang disebutkan tadi, terutama sekali di kawasan yang tidak mendapat bekalan elektrik, misalnya di pulau-pulau di perairan negeri Sabah."

(Menteri Tenaga, Air dan Komunikasi)

12. PR-1213-U14757

Datuk Dr. Marcus Mojigoh [Putatan] akan mencadangkan:-

"Bahawa Dewan ini mengambil maklum bahawa penstrukturan semula subsidi minyak telah membawa impak kepada mutu hidup rakyat. Dan mengambil maklum bahawa kesan penstrukturan ini juga telah menyebabkan Kerajaan menanggung kos subsidi yang lain bagi menstabilkan kesejahteraan hidup rakyat. Dan mengambil maklum bahawa penggunaan petrol sebagai bahan bakar (bagi kenderaan) telah meningkat dengan mendadak sekali. Dan mengambil maklum juga dengan rizab gas asli yang hampir mencapai 100 trilion kaki padu, penggunaan gas asli dalam Natural Gas Vehicle (NGV) haruslah dikembangkan di seluruh negara termasuklah di negeri Sabah dan Sarawak. Maka dengan ini dewan hendaklah mengambil ketetapan untuk meminta Kerajaan untuk menjadikan projek NGV ini sebagai projek nasional, yang mana ianya bukan sahaja dapat menjimatkan wang Kerajaan dari segi subsidi minyak tetapi juga dapat mengurangkan kesan pemanasan dunia."

(Menteri Perdagangan Dalam Negeri dan Hal Ehwal Pengguna)

13. PR-1213-U15554
Dr. Tan Seng Giaw [Kepong] akan mencadangkan:-
- "Bahawa Dewan ini membincangkan kedudukan undang-undang dan kesesuaian Draf Pelan Bandar Raya Kuala Lumpur 2020 untuk mewujudkan KL sebagai Bandar Raya Bertaman Tropika dan Bertaraf Dunia. Dewan juga hendak membahaskan pelbagai aspek termasuk penggunaan tanah dan kepadatan kependudukan KL."
- (Menteri Wilayah Persekutuan)**
14. PR-1213-U15555
Dr. Tan Seng Giaw [Kepong] akan mencadangkan:-
- "Bahawa Dewan ini membahaskan setakat mana wujudnya kerjasama dari semua pihak dengan Institut Integriti Malaysia untuk meningkatkan integriti dan masalah dan menghapuskan rasuah di negara ini."
- (Perdana Menteri)**
15. PR-1213-U16405
Puan Teresa Kok Suh Sim [Seputeh] akan mencadangkan:-
- "Bahawa Dewan ini mengambil keputusan untuk membenarkan siaran langsung sidang Dewan Rakyat melalui televisyen supaya rakyat boleh menonton ucapan para Ahli Berhormat dan proses Dewan Rakyat membuat keputusan terhadap dasar dan undang-undang."
- (Menteri Penerangan)**
16. PR-1213-U16408
Puan Teresa Kok Suh Sim [Seputeh] akan mencadangkan:-
- "Bahawa Dewan ini mengambil keputusan untuk memulihkan pilihan raya Kerajaan Tempatan demi menjadikan perkhidmatan Kerajaan Tempatan di negara kita lebih berkesan di samping memulangkan hak kepada rakyat untuk memilih Datuk Bandar dan ahli Majlis Kerajaan Tempatan."
- (Menteri Perumahan dan Kerajaan Tempatan)**
17. PR-1213-U16411
Puan Teresa Kok Suh Sim [Seputeh] akan mencadangkan:-
- "Bahawa Dewan ini mengambil keputusan untuk mengembalikan Akta Perkhidmatan Parlimen yang telah dimansuhkan pada tahun 1993 sebagai langkah untuk menjadikan Parlimen Malaysia sebagai Parlimen Dunia Pertama."
- (Perdana Menteri)**

18. PR-1213-U16414

Puan Teresa Kok Suh Sim [Seputeh] akan mencadangkan:-

"Bahawa Dewan ini menyokong cadangan Suruhanjaya Diraja Pembaikan Perjalanan dan Pengurusan PDRM dan YAB Perdana Menteri untuk menubuhkan Suruhanjaya Bebas dan Salah Laku Polis (IPCMC)."

(Menteri Dalam Negeri)

19. PR-1213-U14923

Datuk Eric Enchin Majimbun [Sepanggar] akan mencadangkan:-

"Bahawa Dewan ini menetapkan dengan seriusnya mengikut seksyen 4, Akta 144 Akta Pembangunan Petroleum 1974 agar Kerajaan negeri yang mengeluarkan minyak mentah dinaikkan royalti daripada 5% setelah dipersetujui oleh kedua-dua pihak kepada kadar 20%."

(Perdana Menteri)

20. PR-1213-U14926

Datuk Eric Enchin Majimbun [Sepanggar] akan mencadangkan:-

"Bahawa Dewan ini mempertimbangkan untuk membincang supaya Kerajaan merancang serta menyusun semula kerjasama dengan semua negara-negara yang ada kaitan dengan pembangunan BIMP-EAGA agar negara-negara jiran ini dapat sama-sama membangun serentak untuk mengimbangkan pembangunan dengan negara yang kurang membangun. Penghijrahan pekerja daripada negara jiran sudah tentu dapat dibendung khususnya Pendatang Tanpa Izin (PTI) di Sabah dapat dikurangkan."

(Perdana Menteri)

21. PR-1213-U14928

Datuk Eric Enchin Majimbun [Sepanggar] akan mencadangkan:-

"Bahawa Dewan ini membincang dengan seriusnya agar perusahaan penanaman padi dapat digembleng dan dipertingkatkan. Kawasan-kawasan sesuai yang terbiar seharusnya diusahakan demi untuk menampung keperluan makanan utama kita. Kerajaan seharusnya mempertimbangkan bantuan kewangan serta nasihat teknikal dalam perusahaan yang murni ini."

(Menteri Pertanian dan Industri Asas Tani)

22. PR-1213-U16495
Tuan Fong Kui Lun [Bukit Bintang] akan mencadangkan:-

"Bahawa Dewan ini meluluskan ketetapan bahawa kerajaan persekutuan hendaklah memulihkan semula pilihan raya kerajaan tempatan di semua majlis / dewan bandar raya dan majlis perbandaran seluruh negara dengan mengambil tindakan meminda Perlembagaan Persekutuan dan Akta Kerajaan Tempatan 1976 bagi maksud tersebut supaya perwakilan rakyat di dalam Kerajaan Tempatan dikembalikan semula selaras dengan amalan demokrasi berparlimen di Malaysia dan tuntutan rakyat sebagaimana yang dijemakan dalam keputusan Pilihan Raya Umum 2008 yang mencerminkan kehendak dan hasrat rakyat."

(Menteri Perumahan dan Kerajaan Tempatan)

23. PR-1213-U16496
Tuan Fong Kui Lun [Bukit Bintang] akan mencadangkan:-

"Bahawa Dewan ini bersetuju supaya Kerajaan Persekutuan membina sebuah Muzium memperingati kapitan Yap Ah Loy bagi mengenang jasa mendiang sebagai pembuka dan bapa pembangunan awal Kuala Lumpur untuk tatapan masyarakat Malaysia dan antarabangsa."

(Menteri Perpaduan, Kebudayaan, Kesenian dan Warisan)

24. PR-1213-U16497
Tuan Fong Kui Lun [Bukit Bintang] akan mencadangkan:-

"Bahawa Dewan ini membantah tindakan Kerajaan Persekutuan di bawah Kementerian Kemajuan Luar Bandar dan Wilayah membentuk JKKKP di kampung-kampung dalam negeri-negeri yang diperintah oleh kerajaan campuran Pakatan Rakyat kerana ia bertindan dengan JKKK sedia ada yang ditadbir oleh pejabat daerah di negeri-negeri tersebut menyebabkan rakyat berpecah-belah, berpuak-puak dan didiskriminasikan, sebaliknya merestui JKKK sedia ada dengan menyalurkan peruntukan secara sama rata dan adil."

(Menteri Kemajuan Menteri Luar Bandar dan Wilayah)

25. PR-1213-U16498
Tuan Fong Kui Lun [Bukit Bintang] akan mencadangkan:-

"Bahawa Dewan ini bersetuju untuk mendesak Kementerian Wilayah Persekutuan dan Dewan Bandaraya Kuala Lumpur yang dalam proses Draf Pelan Tempatan 2020 menetapkan dasar tegas untuk tidak mengambil tindakan di bawah Akta Pengambilan Tanah 1960 ke atas tanah-tanah milik persendirian di Kuala Lumpur bagi melaksanakan cadangan pelan yang bertentangan dengan kepentingan dan kehendak rakyat."

(Menteri Wilayah Persekutuan)

26. PR-1213-U14755
Tuan Kulasegaran A/L Murugeson [Ipoh Barat] akan mencadangkan:-

"Bahawa Dewan ini hendaklah membahaskan perubahan dasar iaitu Sistem Pendidikan kini yang amat dipinggirkan dan tanda-tanda yang amat mudah dilihat ialah rendahnya anggaran peruntukan pendidikan yang disediakan untuk kaum bukan bumiputera. Pada masa yang akan datang, pengamalan yang negatif ini akan melumpuhkan kegiatan pengembangan dalam bidang pendidikan dan akibatnya akan mengalami stagnasi yang luar biasa untuk satu kaum. Maka dengan ini Dewan hendaklah mengambil ketetapan untuk meminta Kerajaan bagi menggalakkan dan memberikan peluang untuk reformasi bidang pendidikan di negara agar setiap generasi dan kaum dapat dibentuk sesuai dengan tuntutan zamannya dan bagi perubahan tersebut, kadar nisbah harus dimansuhkan dan pinjaman pendidikan harus dibuka kepada kesemua rakyat Malaysia yang layak untuk mendapatnya."

(Menteri Pelajaran)

27. PR-1213-U14756
Tuan Kulasegaran A/L Murugeson [Ipoh Barat] akan mencadangkan:-

"Bahawa dengan ini Dewan hendaklah mengambil satu ketetapan untuk meminta Kerajaan Malaysia untuk membina 100 buah Sekolah Cina dan 50 buah Sekolah Tamil yang baru tanpa apa-apa keraguan perbezaannya dalam jangka masa yang singkat."

(Menteri Pelajaran)

28. PR-1213-U15524
Tuan Salahuddin Bin Haji Ayub [Kubang Kerian] akan mencadangkan:-

"Bahawa Dewan ini mengambil ketetapan supaya ditubuhkan majlis yang dinamakan Majlis Tindakan Perancangan Tenaga Negara (MTPTN) yang, antara lain akan membincangkan langkah-langkah pro-aktif Kerajaan untuk menghadapi kemungkinan berlakunya krisis harga bahan api fosil dunia yang sering kali di manipulasi oleh pasaran minyak mentah antarabangsa. Majlis ini akan berperanan mengikut terma-terma berikut berperanan mengenal pasti dan seterusnya melantik pakar-pakar dalam bidang-bidang berkaitan dari pihak Kerajaan, swasta, badan-badan bukan Kerajaan (NGOs) dan parti-parti politik menganggotai MTPTN, MTPTN berperanan mengemukakan Pelan Induk (Master Plan) untuk membolehkan Kerajaan membuat perancangan jangka pendek dan jangka panjang di dalam menghadapi apa jua kemungkinan yang melibatkan krisis harga minyak di pasaran dunia dan mengkaji dengan penuh tanggungjawab bagaimana penstrukturan subsidi minyak boleh diagihkan dengan lebih adil dan kompeten kepada golongan sasaran di negara ini."

(Menteri Tenaga, Air dan Komunikasi)

29. PR-1213-U15526
Tuan Salahuddin Bin Haji Ayub [Kubang Kerian] akan mencadangkan:-

"Bahawa Dewan ini mengambil ketetapan supaya ditubuhkan satu Jawatankuasa Tertinggi peringkat kebangsaan bagi membolehkan Kerajaan melihat dan mengkaji semula peranan dan masa depan Sekolah-sekolah Agama Rakyat (SAR) yang semakin lumpuh akibat daripada sikap Kerajaan sendiri yang menghentikan pemberian bantuan per kapita pada tahun 2002."

(Perdana Menteri)

30. PR-1213-U15527
Tuan Salahuddin Bin Haji Ayub [Kubang Kerian] akan mencadangkan:-

"Bahawa Dewan ini mengambil ketetapan supaya dikaji prestasi dan kompetensi Ketua Polis Negara dan Peguam Negara yang semakin dipersoalkan kredibiliti mereka oleh rakyat pada masa ini. Oleh itu, satu Tribunal Khas hendaklah ditubuhkan segera bagi mengembalikan integriti pasukan polis dan Jabatan Peguam Negara dan seterusnya memulihkan kepercayaan rakyat terhadap sistem penguatkuasaan dan pendakwaan di negara ini."

(Perdana Menteri)

31. PR-1213-U15528
Tuan Salahuddin Bin Haji Ayub [Kubang Kerian] akan mencadangkan:-

"Bahawa Dewan ini mengambil ketetapan supaya satu kajian secara holistik hendaklah dijalankan terhadap kepekaan Kerajaan terhadap peranan golongan kurang upaya (OKU) di negara ini. Masih lagi terdapat banyak ruang yang memerlukan tindakan lebih serius Kerajaan untuk membela nasib dan masa depan golongan OKU ini. Ketidakpedulian pihak-pihak tertentu khususnya pihak swasta dan Kerajaan sendiri telah mengakibatkan golongan OKU tercicir terutama untuk mendapatkan hak mereka seperti peluang pekerjaan, kemudahan asas dan rawatan kesihatan."

(Menteri Pembangunan Wanita, Keluarga dan Masyarakat)

32. PR-1213-U15530
Tuan Salahuddin Bin Haji Ayub [Kubang Kerian] akan mencadangkan:-

"Bahawa Dewan ini mengambil ketetapan supaya semua tanah rizab Melayu yang ditukar status untuk projek-projek Kerajaan Persekutuan dan negeri hendaklah disegerakan penggantiannya dengan kawasan lain yang mempunyai nilai harga yang sama."

(Menteri Sumber Asli dan Alam Sekitar)

33. PR-1213-U15531
Tuan Salahuddin Bin Haji Ayub [Kubang Kerian] akan mencadangkan:-

"Bahawa Dewan ini mengambil ketetapan supaya disegerakan semua usaha untuk memperbaiki serta meningkatkan pentadbiran, kebajikan dan pembangunan Orang Asli."

(Menteri Kemajuan Luar Bandar dan Wilayah)

34. PR-1213-U14893
Dr. Ramasamy a/l Palanisamy [Batu Kawan] akan mencadangkan:-

"Bahawa Dewan ini meminta Kerajaan Malaysia untuk memainkan peranan yang lebih positif dalam proses mencari perdamaian di Selatan Thailand, Selatan Filipina dan Utara Sri Lanka. Pengalaman Malaysia dalam mentadbir dan mengurus kepelbagaian etnik dan agama boleh digunakan untuk mengagihkan pengetahuan yang berguna kepada negara-negara ini."

(Menteri Luar Negeri)

35. PR-1213-U14894
Dr. Ramasamy a/l Palanisamy [Batu Kawan] akan mencadangkan:-

"Bahawa Dewan ini menyedari iaitu kakitangan akademik di Institut-institut Pengajian Awam Negara adalah didominasi oleh satu golongan etnik. Dewan ini meminta Kerajaan Malaysia untuk memastikan bahawa lebih ramai calon daripada golongan bukan bumiputera dilantik sebagai kakitangan akademik pada masa depan agar mencerminkan komposisi multi-etnik negara."

(Menteri Pengajian Tinggi)

36. PR-1213-U14896
Dr. Ramasamy a/l Palanisamy [Batu Kawan] akan mencadangkan:-

"Bahawa Dewan ini meminta Kerajaan Malaysia supaya mengambil langkah-langkah efektif untuk membina lebih banyak sekolah-sekolah Jenis Kebangsaan Cina dan Tamil demi menjaga kepentingan serta memenuhi keperluan masyarakat Cina dan India di negara ini."

(Menteri Pelajaran)

37. PR-1213-U15687
Tuan Liew Chin Tong [Bukit Bendera] akan mencadangkan:-

"Bahawa Dewan ini membuat ketetapan bahawa sebarang pembelian aset atau sistem pertahanan yang melebihi RM100 juta oleh Kementerian Pertahanan, mesti di bahas di Parlimen dan diaudit oleh Jabatan Audit Negara bagi mempertingkatkan integriti dan keberkesanan jangka panjang pembelian sistem pertahanan. "

(Menteri Pertahanan)

38. PR-1213-U15416
Tuan William Leong Jee Keen [Selayang] akan mencadangkan:-

"Bahawa Dewan ini membahaskan tuntutan Singapura untuk meluaskan zon ekonomi eksklusif dari Batu Puteh dan langkah-langkah yang patut diambil oleh Kerajaan untuk menentang tuntutan ini."

(Menteri Luar Negeri)

39. PR-1213-U14683
Dr. Che Rosli bin Che Mat [Hulu Langat] akan mencadangkan:-

"Bahawa Dewan ini mendesak pihak Kerajaan bagi memperkukuhkan sistem pengangkutan awam yang cekap, tepat, pantas dan murah serta mempunyai satu sistem yang berintegrasi antara satu sama lain. Jaringan pengangkutan tersebut harus diperluas ke seluruh pelosok negara tidak terhad hanya kepada bandar-bandar utama sahaja."

(Menteri Pengangkutan)

40. PR-1213-U14684

Dr. Che Rosli bin Che Mat [Hulu Langat] akan mencadangkan:-

"Bahawa Dewan ini mendesak pihak Kerajaan bagi mengurangkan kursus, seminar dan kegiatan pelancongan ke luar negara sebaliknya menggantikan lokasi tersebut ke dalam negara. Ini bagi menjimatkan kos perbelanjaan Kerajaan seterusnya merancakkan industri pelancongan dalam negara yang terjejas teruk akibat kenaikan harga petrol dan barangan keperluan. Ia juga dapat membantu pengusaha-pengusaha yang bergantung pendapatannya dengan kegiatan pelancongan seperti perhotelan, rekreasi dan seumpamanya."

(Menteri Pelancongan)

41. PR-1213-U15521

Tuan Gwo-Burne Loh [Kelana Jaya] akan mencadangkan:-

"Bahawa Dewan ini mengambil maklum bahawa Kerajaan Malaysia sebagai anggota Majlis Hak Asasi Manusia Bangsa-Bangsa Bersatu dalam menguatkuasakan Resolusi 62/149 Bangsa- Bangsa Bersatu mengenai Moratorium terhadap hukuman mati yang telah dikuatkuasakan oleh Perhimpunan Agung Bangsa-bangsa Bersatu pada 18 Disember 2007 di mana bersetuju bahawa negara-negara yang masih mengamalkan hukuman mati diminta untuk menghentikan penggunaan hukuman mati dan mengurangkan jumlah hukuman yang membawa hukuman mati secara berperingkat dan melaksanakan moratorium terhadap kesemua hukuman-hukuman mati dengan hasrat untuk menghapuskan hukuman ini sama sekali. Maka dengan ini Dewan hendaklah mengambil ketetapan untuk meminta Kerajaan melalui Kementerian Luar Negeri untuk membantu mematuhi Moratorium tersebut dan meminda undang-undang yang bercanggah dengan Moratorium tersebut. "

(Menteri Luar Negeri)

42. **Tuan Sivarasa a/l K. Rasiah [Subang]** akan mencadangkan:-

"Bahawa Dewan ini memberikan kebenaran menurut Peraturan Mesyuarat 49(1) kepada YB. Ahli bagi Kawasan Subang untuk mencadangkan suatu Rang Undang-undang Ahli Persendirian bernama Rang Undang-undang Kebebasan Maklumat 2008."

(Menteri Dalam Negeri)

43. **Puan Teresa Kok Suh Sim [Seputeh]** akan mencadangkan:-

"Bahawa Dewan ini mengkritik Kerajaan Barisan Nasional menggunakan Akta Keselamatan Dalam Negeri untuk menahan pemberita Sin Chew Jit Poh Cik Tan Hoon Cheng, penulis blog Raja Petra Kamaruddin dan Ahli Parlimen Seputeh YB Teresa Kok dalam bulan September tahun ini. Dewan ini juga memegang pendirian bahawa Akta Keselamatan Dalam Negeri merupakan akta yang tidak adil dan bercanggah dengan keadilan sejati (natural justice) dan hak asasi manusia, dan mengambil pendirian bahawa akta ini dimansuhkan."

(Menteri Dalam Negeri)

**RISALAT-RISALAT YANG DIBAWA KE DALAM MESYUARAT
(DEWAN RAKYAT)**

<u>TAHUN 2008</u>	<u>RISALAT/DOKUMEN</u>	<u>TARIKH DIBENTANGKAN</u>
ST.118	Laporan Tahunan dan Penyata Kewangan Universiti Darul Iman Malaysia Bagi Tahun 2007 (Telah Diaudit)	12 November 2008
ST.119	Laporan Tahunan dan Penyata Kewangan Yayasan Laporan Kewangan Lembaga Piawaian Perakaunan Malaysia Bagi Tahun 2007 (Telah Diaudit)	12 November 2008